

雲

適

淡

墨

雲過淡墨卷之四

江離

按博物志云芎藭苗曰江離根曰麋蕪本草亦云麋蕪芎藭苗也

杜若

杜若苗似山薑花黃赤子赤色大如棘子中似豆蔻  
有杜蓮白蓮白苓若之之名亦一名杜衡

芷

楚辭以芳草比君子而言芷者最多蓋芷今香白花

也一物而多名蒹也芷也葍也葍也說文曰  
楚謂之薜管謂之薜齊謂之蒹

葍

毛詩葍竹作綠竹先儒皆以綠爲王芻竹爲蒹竹說  
文亦曰葍王芻也

女蘿

釋草云唐蒙文蘿女蘿兔絲郭曰別四名則是謂一  
物也

兔絲

龜筴傳曰下有茯苓上有兔絲下有靈龜上有叢菁  
考茯苓千歲松脂也兔絲因之生其上而無根

荃

蒿蒲也或讀若蓀音

芸

仲冬之月芸始生芸香草也謂之芸蒿似邪蒿而香  
龍

龍紅草也一名馬蓼葉大而赤白色生水澤中高丈  
餘今人猶謂之水紅草而爾雅又謂之龍

淮南言水草之始海閭生屈龍屈龍生容華容華生  
蓼蓼生萍藻萍藻生浮草凡浮生不根莖者生於  
萍藻屈龍豈亦此龍草邪斂爲屈縱爲遊是或一  
道也

薜荔

薜荔白芷麋蕪椒連謂之五臭

欵冬

菟奚顥凍郭氏曰欵凍也紫赤華生水中葢欵凍葉  
似葵而大叢生花出根下十一月雪中出花

茅苳

茅苳婦女所采今車前草是也

射干

荀子勸學篇曰西方有木焉名曰射干莖長四寸生  
于高山之上而臨百仞之淵木莖非能長也所立  
者然也以爲物雖微然能自處者如此

木董

木董今人植爲籬易生之物也

藍

藍者染青之草荀子曰青出於藍而青於藍

歲

歲數種總爲之藍其大葉者別名馬藍

卮

卮可染黃其華實皆可觀白花而甚香

蕨

蕨生如小兒拳紫色而肥詩及爾雅說文皆云蕨鼈也郭氏曰江西謂之鼈草木疏云周秦曰蕨齊魯曰鼈

諸蕒

山海經曰景山北望少澤其草多諸蕒今人呼爲山藥一名山芋秦楚名玉延鄭越名土諸

芋

芋說文曰大葉實根駭人故謂之芋

薑

說文曰薑禦經之菜也春秋運斗樞曰璇星散爲薑

葵

葵蘆葩爾雅釋曰紫花菰也俗呼溫菰似蕪菁大根



一名莢俗呼雹莢一名蘆腹今謂之蘿蔔

藟

藟大苦今之甘草味甘而無毒能安和七十二種石

千二百種草

芎

芎者今之地黃古以爲菜銅羹用之

味

蒟蒻猪

音遲除

郭氏以爲五味今五味子是也

參

春秋運斗樞曰搖光星散爲人參廢江淮山瀆之利  
則搖光不明人參不生

門冬

牆靡藟冬郭璞曰今門冬也

雞齊

雞齊一名鹿藿一名黃斤今之食葛非爲締絡者也

臺

臺者莎草可爲衣以禦雨今人謂之蓑衣

莎

莎莖葉都似三稜根若附子周而多毛大者如棗近道者如杏仁許謂之香附子一名雀頭香合和香用之

棋

棋枳棋也其木徑尺葉如桑柘以爲屋材則室中酒味皆收其子作房似珊瑚核在其端其味甚甘小兒食之江東謂之木蜜

穀

穀惡木也易生之物

并閭

張攝解上林賦曰并閭櫟也

櫟

櫟今之梗棗也

椰

椰木似檳榔無枝條高十餘尋葉在其末如棗蒲實大如瓠繫在樹頭實外有皮如胡桃核裏有膚白如雪厚半寸如猪膏味美如胡桃膚裏有汁升餘清如水美如蜜飲之可以愈渴核作飲器

後麇

後麇如號貓

土版昨開二字

食虎豹卽獅子也

騶虞

騶虞珍獸出林氏山海經云大若虎有五色畢具尾長于身名騶吾乘之日行千里

桃拔

桃拔西域傳云馬弋有桃拔一名符拔似鹿長尾一角者或爲天鹿兩角者或爲辟邪一名扶拔漢章帝時月氏獻之和帝時安息獻之形似麟而無角

鄧州南陽縣北有兩石獸鑄其膊一曰天祿一曰辟邪天祿閣以獸立名靈帝鑄天祿蝦蟆宋符瑞志云天祿者純靈之獸五色光澤王者道備則至

尺蠖

尺蠖屈伸蟲也狀如蠶而純小行則促其腰使首尾相就乃能進步屈中有伸故曰屈伸 易曰尺蠖之屈以求信也龍蛇之蟄以存身也聖人於物稱名小而取義大不以龍蠖巨細而有所遺

蟬

蟬白魚衣書中蟲也始則黃色既老則身有粉視之如銀故名白魚

書畫船

米芾善書喜書畫爲淮間發遣使揭牌行船曰米家書畫船

飛廬雀室

船上屋曰廬重屋曰飛廬又在其上曰雀室言于中候望若鳥雀之驚視也總名船曰艘

發光地菩薩

舒雅韓熙載門人才韻不在人下一日得海螺甚奇  
宜用滑紙以簡獻于熙載云有無心班道人往詣  
門下若書材糙澁可使道人馴之卽證發光地菩  
薩熙載笑而受之

### 劍名

高陽氏有畫影騰空二劍 吳王有寶劍六白虹紫  
電青霜辟邪流星青冥 周穆王有昆吾劍削鐵  
如泥 吳王闔閭有吳鉤劍 越歐冶子所作劍  
五一曰純鉤二湛盧三豪曹四魚腸五巨闕 魏



太子有劍名流虹色似彩虹 楚王聞歐冶子善鑄劍命風胡子齎重寶聘之歐冶子爲作三劍一曰龍淵二太阿三工市 秦王有寶劍曰青萍含光練影 又吳王有鎮鄒干將二劍 又桓公之蔥文公之珎莊公之忽太公之闕皆古之良劍也

弓名

古之良弓有繁弱 錐黍 貊弓 良弓曰烏號 又劉邵趙賦其器用則六弓四弩注云六弓者綠沈 黃間 堂溪 魚腸 丁令 角觴也 四

弩者紫間 大黃 黃間 谿子

矢名

矢則申息肅慎菡萏空流焦銅毒鐵斨鏃鳴鏃楚王  
張繁弱之弓載忘歸之矢 亦曰金僕姑 司弓  
矢掌八矢之法謂枉矢 絜矢 殺矢 鏃矢  
矰矢 莛矢 恒矢 庠矢

甲冑名

甲則明光細鱗犀渠唐夷烏鋹 組甲 水犀甲

鞬鞞

旌旗名

洪頤 大麾 太白 蜚弧 郅偁

班蘭物

齊敬兒謂人曰我車邊猶有班蘭物注云劒也

刀生毛

漢武出淮陽到監鄉問此何地陳翼對曰監鄉上曰欺乎翼曰臣言不欺佩刀當生毛帝視之果有毛長寸餘

琴名

清角 號鐘 繞梁 鳳凰 綠綺 遞鐘 焦尾

響泉 韻磬

琵琶名

大忽雷 小忽雷 玉環 轉關 六么 護索

梁州

叵羅

葡萄酒金叵羅叵羅者酒杯之名吳姬十五細馬馱

桃笙

桃笙象笈謂簾也

艾席

老萊子于親之沒朝廷徵聘之不肯仕乃隱于蒙山之陽山南曰陽以柳木爲床蒲艾爲席

却塵褥

元載寵姬薛瓊英有却塵褥云是却塵之獸毛所爲也施於堂中塵埃自遠

鷓鴣枕

唐同昌公主有鷓鴣枕其枕以七寶合成爲鷓鴣狀又有珊瑚枕睡愛珊瑚枕上凹

饒燈

南方有魚多脂蓋饒婦所化者取其脂燃燈照紡績則暗照宴樂則明謂之饒燈

烏銀

烏銀炭也

博山

博山香爐也似山形西王母遺黃帝者又金鴨金猊睡鴨皆香爐之名

露邪

晉時脚屐有露邪陰邪之異卽今之屐齒有暗齒亮齒也

木魚

僧舍爲木魚旦夕擊之作聲云急修蓋魚在水晝夜不合目修行者忘寐如魚可化龍凡可入聖

緊峭草鞋

雲門僧問卧龍師作麼生是第一機龍曰緊峭草鞋

醒醉草

興慶池南岸草有醉人至其旁喚之立醒

九穀

三農生九穀

注云

九穀者謂黍稷稻麻大小豆大小

麥也

醇和麥

背明之國有醇和麥爲麵以釀酒飲之者一醉累日  
食此麥冬月可袒

茶名

石花紫荀

碧澗明月

蒙頂石花

顧渚紫筍

陽羨雲芽

蜜雲龍

霅雲龍

麥顧

露芽



雲腴 鳳團 驚雷莢 萱草帶 紫茸香

酒品

桑落 白墮 蘭生 玉薤 醽醁 翠濤 梨花

春 羅浮春 石凍春 玉窟春 烏程 若下

麋飲酒 霹靂酎 百藥長

骨董羹

骨董羹取飲食雜烹之各骨董羹陸道士曰投膏骨

董羹鍋內掘窖游盤飲椀中

珠之名品

龍珠在頷蛟珠在皮蛇珠在口鼈珠在足魚珠在目  
蚌珠在腹

金名品

南金 裹蹄 金條脫

錢名品

赤仄 鵝眼 榆莢 青蚨 阿堵物 八銖 四

銖 五銖

銀名品

白鐫 朱提 白金

鵝溪絹

我有一疋好東絹重之不減錦繡段東絹梓州鵝溪絹也

王父之義

抱孫不抱子言孫可以爲王父尸子不可以爲王父尸又曰逮事王父母則諱王父母謂之祖父母也父之知子

玄宗問蘇環草詔難其人誰可環曰臣不知其他臣男頰爲文甚速可僭使令上詔頰試之援筆立就

上拊其背曰知子莫若父

還鮓賣子

孟仁本名宗爲監魚池司吏自結網捕魚作鮓寄母母還之曰汝爲魚官以鮓寄母非避嫌疑也

母戒子殺

嚴延年爲政苛酷母戒之曰天道神明不可獨殺  
玄來雲仍

玄孫之子爲來孫來孫之子爲舅孫舅孫之子爲仍孫仍孫之子爲雲孫言其輕遠如浮雲也

塤簾

伯氏吹塤

仲氏吹簾

喻兄弟聲氣相符也

遺子封侄

魏徵有功績詔封其一子徵請曰臣子受臣庇廕請封孤侄叔慈帝愴然曰此可以勸俗卽從之

仙人居處

蓋珠宮

洧盤

閩風苑

玄圃

蓬島

少室

皆神仙所居之地

八功德水

西域佛地有八池其泉一清二冷三香四柔五甘六  
淨七不飢八蠲痼名八功德水

鬼神名色

黔羸 靈威 招拒 赤熛 司寒 脩車 夷羊  
女魃 肩吾 禺强 帝江 靈若 水夷 竒  
相 泰厲 族厲 伯强 律令 語忘敬遺  
林林央央

遠志小草

謝公始有東山之志後嚴命屢臻勢不獲已始就桓

司馬時有餉桓公藥草中有遠志公取以問謝此藥又名小草何一物而有二稱謝未及答時郝隆在坐應聲答曰此甚易解處則爲遠志出則爲小草謝深有愧色

一葉濃陰

鄭太穆爲金川刺史致書于司空且曰分千樹一葉之影卽是濃陰減四海所滴之泉便爲膏澤于公覽書喜曰鄭使君所需各依來數一半以戎費之際不全副其本望也

瓦影龜魚

湖上新亭好公來日出初水繞浮枕簟瓦影廕龜魚

槐木沾澤

流甘澤于槐木扇惠風于陳枝

人中龍

宋纖有遠操不與世交太守馬岌慕其爲人具威儀  
造焉纖拒而不見岌歎曰名可聞而身不可見德  
可仰而形不可覩今而後知先生人中龍矣

山川相映

雲邁淡墨

卷之四

六



王子敬從山陰道上行山川相映乃曰使人應接不暇

魚鳥親人

簡文入華林園顧謂左右曰會心處不必在遠翳然林木便自有濠濮間想也覺鳥獸禽魚自來親人愛聞松風

陶弘景居山中愛聞松風每清風四起松樹搖搖便往造其下曰此太古元聲也令人俗慮俱忘

莠言

好言自口莠言自口莠言惡言也莠本害苗之草故  
以此言之惡好言自口莠言自口毀譽人者言皆  
不本諸心也

真冷

桑巫曰舜之將死真冷禹也真冷遺命也

謝豹

謝豹蟲名本人之姓名也抱恥而死化爲蟲潛入地  
中猶羞見人人掘地出之以足覆面作忍恥狀

猪嘴關

宋元祐間王景亮結一社謗毀士大夫號猪嘴關

噂沓背憎

噂沓背憎相對談語背則相憎惡

梔貌蠟言

富者以錢五萬買鞭曰愛其黃而潤澤也童子以湯灌之則遽然枯蒼然白矣蓋黃者梔也澤者蠟也今之梔其貌蠟其言以之賣技于朝者多矣

惟哉

孝武行甘泉道中有蟲伏道而亦如生肝狀上召朔

視之朔還報曰其蟲名恠哉上曰何謂也朔曰秦  
始皇拘繫無道悲哀之苦仰天歎曰恠哉感動上  
天此憤氣之所生也故名之曰恠哉是地必秦獄  
也有司按圖驗之果秦獄

### 高臺

頭爲崑崙頂三台君又云頭爲高臺面爲廣野

### 靈宅

面爲靈宅以眉目口鼻之所居故爲宅枚乘七發云  
太子陽氣見于眉宇間浸淫而上幾滿大宅

目異常人

蒼頡四目 伏羲大目 老子大目 唐堯三眸子

孔子河目而隆額 舜目重瞳 項羽目重瞳

達磨眼紺號紺眼禪師 孫權生而眼碧號碧眼

小兒

拭石髮黑

武帝時郅支國貢馬肝石以之拭髮白者皆黑

于思

華元巡城城者謳曰于思于思于思審復來于思于思于思

蓬心童心

夫子猶有蓬之心也蓬不直貌 昭公十九年矣猶有童心

三紅秀才

應子和嘗吟詩云蠟炬夜燒紅風過落花紅兩岸如陽紅人愛其句因爲三紅秀才

三影郎中

張子野爲郎中詞有雲破月來花弄影浮萍破處見山影隔牆送過鞦韆影人謂之張三影

醉翁醒老

歐陽修稱醉翁 林中子稱醒老

長年三老

蜀人呼舟師爲長年三老坡詩云長年三老遙憐汝

青猿

王元之有童名青猿梅聖俞有馬名鐵獺當時謂之

二妙

黃庭

人物異形受生惟一氣魂得之于天體魄得之於地

無形無象自空中來但假父母以無爲有三百日  
胎完胎完既足則生是曰無爲有故神以氣爲母  
氣以形爲舍鍊氣成神鍊形成氣陽神未聚三花  
不入泥丸真氣未朝五彩不生丹闕故天地大也  
未免輕清重濁之象日月明也難逃圓明缺闇之  
形積陽生神上以麗乎天者星與辰積陰生形下  
以壯乎地者土與石水中氣升升而爲霧爲雲氣  
中水降降而爲雨爲露萬象羣生不能無形集靈  
以生資道以成故三清以下有三太三太之內有



二儀二儀既判而立五帝五帝既立而同一區此  
天地之內上下之氣惟人以精爲母以氣爲主五  
臟各有精精中生氣五臟各有氣氣中生神神能  
生壽長生保命鍊精爲丹養氣爲神真仙上聖修  
真養氣自然而然內真外應有作必成自凡入聖  
男子之生先生右腎以外精而內血陰爲裏也女  
子之生先生左腎以外血而內精陽爲裏也腎生  
脾脾生肝肝生肺肺生心心生小腸小腸生大腸  
大腸生膽膽生胃胃生脾腎內腎生膀胱膀胱生

三元三元生三焦三焦生八脉八脉生十二經十二經生十五絡十五絡生一百八十纏絡一百八十纏絡生三萬六千孫絡三萬六千孫絡生三百六十五骨三百六十五骨生八萬四千毛竅胎兒既足靈光入體與母分離而爲人也以內外言之經絡之內而爲內肌膚之外而爲外養命養其五臟五臟爲根根固葉自茂矣養形養其五氣五氣爲源源深流自長矣真氣大運隨天元氣真氣小運隨日元氣五

三三  
臟之中腎爲精海心爲氣館真精之在腎餘精自  
還下丹田真氣在心餘氣自朝中元悉歸黃庭正  
景而說偈曰

思道出家

接引衆生

令得離苦

得聞道法

饒益一切

無量衆生

得大神力

悉從道成

得無所畏

神通自在

去來往返

無所障礙

故有斯法

濟度羣生

識法宗本

入道因緣

## 湧泉穴

在兩足心之中爲一身氣血筋脉之都會不可不先知也夫人一身氣血爲主氣血調和則壽而安氣血偏枯則危而病若能應時按摩導引吐納補瀉則氣血調和精氣神得其所養偏者全而枯者茂矣

## 玄關一竅

在臍裏一寸三分爲先天精氣神之府仙經云此竅非凡竅乾坤共合成名爲神氣穴內有坎離精竅

竅竅世間幾個人知道苟能知此先天造化在此  
性命根蒂在此藥物在此火候在此脫胎神化亦  
在此心印經曰上藥三品神與炁精恍恍惚惚杳  
杳冥冥存無守有百日功靈又曰神全不思睡氣  
全不思食精全不思慾三圓三全決定飛仙妙矣  
哉造化之樞紐乎

先天一炁

此穴在腰兩腎中間狀如乳珠經云翦斷臍帶子一  
點落根源崔公入藥鏡曰先天炁後天氣得之者

常似醉此先天精一真氣之穴也蓋先天得後天而養後天得先天而生補瀉得宜不失其候斯煉精化氣煉氣化神煉神還靈老子曰一粒金丹吞入腹始知我命不由天者此也

## 十二經絡

手太陰之脉起于中焦下絡大腸還循胃口上鬲屬肺從肺系橫出腋腋下循臑內行少陰心主之前下肘中循臂內上骨下廉入寸口上循魚際出大指之端其支者從腕後直出次指內廉出其端次

注手陽明

手陽明之脉起於大指次指之端循指上廉出合谷  
兩骨之間上入兩筋之中循臂上廉入肘外廉上  
臑外前廉上肩出髃骨之前廉上出于柱骨之會  
上下入鐵盆絡肺下鬲屬大腸其支者從鐵盆上  
頸貫頰下入下齒中還出狹口交人中左之右右  
之左上狹鼻孔次注足陽明

足陽明之脉起于鼻交額中徬約太陽之脉下循鼻  
外入上齒中還出狹口環唇下交承漿却循頤後

下廉出大迎循頰車上耳前過客主人循髮際至額顙其支者從大迎前下入迎循喉嚨入缺盆下  
屬胃絡脾其直者從缺盆下乳內廉下俠臍入氣街中其支者起于胃口下循腹裏下至氣街中而合以下髀關抵伏兔下膝臑中下循脛外廉下足跗入中指內間其支者下廉三寸而別下入中指外間其支者別跗上入大指間出其端次注足太陰

人脈起於大指之端循指內側白肉際過竅



注手少陰內踝前廉上膻內循脛骨後交出厥陰之前膝股內前廉入腹屬脾絡胃上膈挾咽連舌本散舌下其支者復從胃別上膈注心中次注手少陰

手少陰之脉起于心中出屬心系下膈絡小腸其支者從心系上挾咽繫目系其直者復從心系却上肺下出腋下下循臑內後廉行太陰心主之後下肘出循臂內後廉抵掌後銳骨之端入掌內後廉循小指之內出其端次注手太陽

手太陽之脉起于小指之端循手外側上腕出踝中直上循臂骨下廉出肋內側兩筋之間上循臑外後廉出肩解繞肩脾交肩上入缺盆絡心循咽下鬲抵胃屬小腸其支者從缺盆循頸上頰至目銳眦却入耳中其支者別頰上頰抵鼻至目內眦斜絡于顴次注足太陽

足太陽之脉起于目內眦上額交顛其支者從顛至耳上角其直者從顛入絡腦還出別下項循肩髃

次身抵腰中入循脊絡腎屬膀胱其支者從腰

注：腰脊貫臂入膈中其支者從膈內左右別下貫脾俠脊內過脾樞循脾外從後廉下合膈中以  
下貫蹠內出外踝之後循京骨至小指外側次注  
足少陰

足少陰之脉起于小指之下斜趨足心出于然谷之  
下循內踝之後別入眼中以上蹠內出膈內廉上  
股內後廉貫脊屬腎絡膀胱其直者從腎上貫肝  
鬲入肺中循喉嚨挾舌本其支者從肺出絡心注  
胸中次注手厥陰

手厥陰之脉起于胸中出屬心包下鬲歷絡三焦其  
支者循胸出脇下腋三寸上抵腋下循臍內行太  
陰少陰之間入肘中循臂內入掌中循中指指出其  
端其支者從掌中循小指次指出其端次注手少  
陽

手少陽之脉起于小指次指之端上出兩指之間循  
手裏腕出臂外兩骨之間上貫肘循臍外上肩交  
出足少陽之後入缺盆布臆中散絡心包下鬲循  
臍其支者從臆中上出缺盆上項繫耳後直

注手少陽以屈下頰抵頤其支者從耳後入耳中  
出走耳前過客主人前交頰至目銳眚次注足少  
陽

足少陽之脈起于目銳眚上抵頭角下耳後循頸行  
手少陽之前至肩上也交手少陽之後入缺盆  
其支者從耳後入耳出走耳前至目銳眚之後其支  
者別銳眚下大迎合于手少陽抵於頤下加頰車  
下頸合缺盆以下胸中貫鬲絡肝屬膽循脇裏出  
氣街透毛際橫入脾腹中其直者從缺盆下

胸過季脇下合脾厥中以下循脾少陽出膝外廉  
下外輔骨之前直下抵絕骨之端下出外踝之前  
循足跗上入小指次指之間其支者別跗上入大  
指之間循大指岐骨內出其端還貫爪甲出三毛  
次注足厥陰

足厥陰之脉起於大指叢毛之際上循足跗上廉去  
內踝一寸上踝八寸交出太陰之後上膈內廉循  
股陰入毛中過陰器抵小腹俠胃屬肝絡膽上貫  
膈脇循喉嚨之後上入頰頰連目系上出額

注督脈會於顛其支者從目系下頰裏環唇內其支者復從肝別貫鬲上注肺次注手太陰

### 奇經八脉

督脉者起于下極之脬並於脊裏上至風府入屬於腦

任脉者起于中極之下以上毛際循腹裏上關元至咽喉上頤循面入目絡舌

衝脉者起於氣衝並足陽明之經俠臍上行至胸中而散

帝脉者起於季協回身一周

陽蹻脉者起於跟中循外踝上行入風池

陰蹻脉者起於跟中循內踝上行至咽喉交貫衝脉

陽維起於諸陽之會

陰維起於諸陰之交

念佛瑞應

余以仲冬修淨業時鸚鵡自西集數萬僧俗皆稱彌

陀瑞應

降浮沉

卷之四

卷之四

末



白玉蟾曰：梧桐秋風升也，蕉花春雨降也，青山暮雲浮也，碧潭秋月沉也。不過形容升降浮沉之景象耳。

### 止觀定慧

三觀之總名也。停息諸念曰止，如理思惟曰觀。內心不動曰定，隨緣照了曰慧。梵語奢摩陀，此云止。止久曰定。梵語三摩鉢提，此曰觀。觀久曰慧。梵語禪那，此云算。該算該前二，卽定慧之通稱。通遮通照，故曰算。該在因曰止觀之象，曰定慧之理。學互。

論卽一心不動人境  
然曰定隨緣應物妙用無窮  
自慧名雖有三其揆一也

### 作止任滅

作者卽心造心作之謂也  
若有人言我于本心作種種行  
欲求真理卽名爲病止者止妄卽真之謂也  
若有人言我今永息諸念寂然平等  
欲求真理卽名爲病任者隨緣任情之謂也  
若有人言我等今者不斷生死不求涅槃  
任彼一切欲求真理是名

爲病滅者寂滅之謂也若有人言我今求永滅一切煩惱身心根塵虛妄境界欲求真理是名爲病止觀定慧爲本作止在滅爲末

學書消日

自少所喜事多矣中年已來漸已廢去或厭而不爲或好之未厭力有不能止者其愈久益深而尤不厭者書也至於學字爲藝不徒時往往可以消日乃知前賢讀書事此不徒無意也

作字要訣

作字要熟熟則神氣自足而有餘於靜坐中自是一樂事然思少暇豈甘於樂處常不足耶

作詩須多誦古今詩

作詩須多誦古今詩不獨詩爾其他文字皆然

晦明說

藏精於晦則明養神以靜則安晦所以畜明靜所以應動善畜者不竭善應者無窮此君子修身治人之術然性近者得之易也

論樂說

清濁二聲爲樂之本而今自以爲知樂者猶未達此  
安得言其細微之旨

喜怒

唐太宗曰桀紂天子也以桀紂之名加之於匹夫則  
怒顏閔匹夫也以匹夫之名加之於天子則喜所  
貴在德不在位也

綠綈

卽盛詔書囊也

誥誓

尚書之篇名如商之仲虺之誥湯誥周之康誥酒誥  
商之甘誓湯誓周之秦誓誓約也

性命理

天之所賦曰命物之所受曰性性之所具曰理其名  
雖殊而理則一也

朝市

酈閭之所也白樂天曰大隱居朝市小隱往丘樊丘  
樊甚令落朝市太囂喧不如作中隱隱作留司官  
幾微

易繫辭曰知幾其神乎君子上交不諂下交不賣其  
知幾乎幾者動之微吉凶之先見者也

啐啄

如雞抱卵小雞欲出以嘴吮聲曰啐母雞憶出以嘴  
啣之曰啄作家機緣初見機而解亦猶是矣

溫庭筠嚴維詩

余嘗愛唐人詩曰雞聲茅店月人迹板橋霜則天寒  
歲暮風淒木落羈旅之愁如身履之至其曰野塘  
春水漫花塢夕陽遲則風酣日煦萬物駘蕩天人

之意相與融怡讀之便覺欣然感發謂此四句可  
以坐變寒暑詩之爲巧猶畫工小筆爾以此知文  
章與造化爭巧可也

薰陸香

出大秦國在海邊有大樹枝葉正如古松生於沙中  
盛夏膠流出沙上方採之

雲丘竹

雲丘竹一節爲船出扶南然交廣有竹節長二丈其  
圍一二尺往往有之



抱香

抱香履抱木生於水松之傍若寄生然極柔弱不勝  
刀鋸乘溼時剝而爲履易如削爪旣乾則韌不可  
理也履雖猥大而輕者若通脫木風至則隨飄而  
動夏月納之可以禦蒸溼之氣出扶南大秦諸國  
秦咸六年扶南貢百雙帝深歎異然哂其制作之  
陋但置諸外府以備方物而已按東方朔瑣語曰  
木履起於晉文公時介之推逃祿自隱抱樹而死  
公撫木哀歎遂以爲履每懷從亡之功輒制履其

履曰悲乎是下是下之稱亦自此始也

為善陰功

老人結草報恩

傳秦桓公伐晉

次手晉輔氏之地

魏顆敗秦師于輔氏

顆魏

子也顆獲杜回

虜秦人姓杜名回者

秦之力人也

杜回乃秦國有力之

人初魏武子有嬖妾

武子魏犇也

無子

不曾生子武子

疾

魏犇初命顆曰命其必嫁是

言我死後當嫁此妾

疾病及

病重曰必以為殉

又言我死後當

及卒

顆嫁之

遂曰疾病則亂

魏顆言人病

吾從其

治也

我治言而從其治命也

嫁此妾者不從吾父

及輔氏之役至

與秦

戰于輔氏

顓見老人

結草以亢杜回

魏顓忽見一老人結草以

禦杜

杜回躋而顓

杜回因此失足而

故獲之所以為魏

獲也

夜夢之曰

其夜魏顓夢

余而所嫁婦人之父

也

而汝也老人言我乃汝所嫁婦嬖妾之父也

爾用先人之治命

言汝既從

其父未亂之言

余是以報

我故結草以報德也

漢鄧禹不妄殺人累世貴震天下

馬字仲聲南陽人事光武為將軍時赤眉賊起不知

所歸禹行師有紀所至輒停車駐節以勞來之父

老童稚滿其車下莫不感悅嘗曰吾將百萬之衆  
未嘗妄殺一人天道好還後世必有興者厥後子  
孫累世貴寵封公侯者三十人大將軍以下十三  
人中二千石十四人列校二十二人其州牧郡守  
不可勝數孫女和帝后曾孫女桓帝后

漢御史王賀縱活萬人累世奇貴

賀漢武帝時爲繡衣御史逐捕魏郡羣盜多所縱捨  
以奉詔不稱免歎曰吾聞活千人子孫有封吾所  
活者萬餘人後世其興乎後至一門五侯諸女爲

后榮貴震天下

郡督郵鍾離意仁心惠下官至尚書

時郡有大疫死者萬數督郵鍾離意親給醫藥候問  
存恤所部多蒙全濟舉孝廉再遷辟大司徒侯霸  
府詔部送囚徒詣河內時冬寒徒病不能行路過  
弘農意輒移文屬縣使作徒衣縣不得已與之而  
上書言狀意亦具以聞光武得奏以示侯霸曰君  
所使掾何乃仁於用心誠良吏也意復於道解徒  
桎梏恣其所欲過與刻期俱至無復違者遷棠邑

令縣人防廣爲父報讐係獄其母病死廣哭泣不食意憐傷之乃聽廣歸家使得殯殮丞掾皆爭意曰罪自我歸意不累下遂遣之廣殮母訖果還入獄意密以狀聞廣竟得以減死論意官至尚書

范仲淹志切先憂數子俱爲名公卿

仲淹少甚孤貧日食藜粥一角勤苦讀書自做秀才時便以天下爲己任嘗謁相士問云能作宰相不相士云不也再問能作明醫不相訝之曰何前問之高而今問之卑也仲淹曰惟宰相名醫可以救

人相士讚曰君仁心如此真宰相也初舉進士以  
晏殊薦爲祕閣校理汎通六經長於易學者多從  
質問爲執經講解無倦嘗推其俸以食四方遊士  
諸子至易衣而出仲淹晏然尋爲右司諫歲大旱  
蝗仲淹請遣使巡行其言剴切帝惻然乃命仲淹  
安撫江淮所至開倉賑之奏蠲除弊條十餘事後  
叅知政事邊郵有警自請行邊麟州新罹大寇言  
者多請集之仲淹爲修故砦招還流亡三千餘戶  
蠲其稅罷權酷予民又奏免府州商稅河外遂安

仲淹性好施與置義莊里中以贍族人汎愛樂善  
所至有恩初得錢氏南園將徙居焉陰陽家謂當  
踵出公卿乃曰吾家獨貴孰若中吳之士咸教育  
於此而貴將無已焉遂以其地爲學宮其喜捨如  
此與富鄭公當國閱監司簿之不才者一筆勾之  
富弼曰一筆勾之甚易但恐一家哭矣仲淹曰一  
家哭何如一路哭耶此又得其大意不以煦煦爲  
仁者卒謚文正追封魏國公子純仁復爲相謚忠  
宣純禮爲尚書純粹爲侍制宗族蕃盛登仕版服



儒紳者代不乏焉

馬默革罪人投海之例子齡竝茂

默知登州先是沙門島罪人舊制每溢取一人投海中默憐之奏革其事未幾默坐堂上昏然如夢見一人乘空而來如所畫符使狀左右挾一男一女至默前大呼曰我自東嶽來上帝有命汝本無嗣以革沙門島罪人事特賜男女遂置二童乘黃雲而去默驚起隸卒皆見黃雲東去後果生男六宮至轉運使年八十二贈太保

何比于讞獄平恕子孫佩印綬者千人

比于漢武帝時汝陰人經明行修且通律法爲汝陰  
獄吏決曹操平活數百人後爲丹陽都尉獄無冤  
囚淮汝號曰何父征和間大雨比于日夢貴客滿  
門車馬簇擁覺以語妻語未已門有老嫗至求避  
雨雨甚而衣履不沾漬比于異之延入坐須臾雨  
止嫗辭去謂比于曰君先出自后稷佐堯至晉歷  
有陰德及君身治獄平恕今天賜策以廣君子孫  
因出懷中符策狀如簡凡九百九十枚授比于曰

子孫佩印綬者當如此算姬忽不見比于時年五十八已有六男後再生三子累世榮顯皆如姬言  
丁公以爲楚者爲漢而被誅

丁公爲項羽將逐窘漢王彭城西短兵接王急顧謂  
丁公曰兩賢豈相厄哉丁公引兵而還及項滅丁  
公謁見帝以徇軍中曰丁公不忠使項王失天下  
遂斬之曰使後世爲人臣無效丁公也而是時季  
布亦爲項王將數窘辱帝以朱家言顧得赦拜郎  
中吁丁二心邀福而得禍季委身亡敵而得官造

物之不測如此人臣自盡其義而已

汲黯矯制賑饑冒死諫諍身名獨全

漢武帝時黯爲謁者值河內失火使視之還報曰家人失火屋比延燒不足憂也臣過河南貧人傷水旱萬餘家或父子相食以矯制持節發倉粟以賑之請伏罪上賢而釋之又數切諫面折不容人過上招文學黯曰陛下內多欲而外施仁義奈何欲效唐虞之治上怒罷朝謂左右曰甚矣汲黯之戇也或責之黯曰天子置公卿寧令從諛承旨陷主

於不義也縱愛身奈辱朝廷何卒不改匈奴王降  
漢發車迎之貸民馬不具上怒欲斬長安令黯曰  
令無罪獨斬臣黯民乃肯出馬且匈奴畔主降漢  
何至罷中國以事之乎上默然又賈人與匈奴市  
坐當死五百人黯曰陛下縱不得匈奴之資以謝  
天下又爲之殺無知者五百人不亦甚乎上怒默  
然又嘗面觸公孫弘張湯湯嚴酷得寵殊甚黯或  
嫚罵曰人言刀筆吏不可爲三公果然必湯也令  
天下重足而立側目而視矣然弘與湯共害之不

能得武帝推社稷臣必曰汲黯不冠不敢見位列  
九卿無纖芥之患云

孔愉放生感封侯印

孔愉字敬康會稽山陰人也嘗行經餘不亭見籠龜  
於路者愉買而放之溪中龜中流左顧者數四後  
以討華軼功封餘不亭侯及是鑄侯印而印龜左  
顧三鑄如初印工以告愉乃悟遂佩焉卒贈車騎  
將軍開府儀同三司諡曰貞

軍人放生感救死難

毛寶爲征虜將軍豫州刺史與西陽太守樊峻以萬人守邾城石季龍遣其子鑒與其將夔安李免等五萬人來寇張貉渡二萬人攻邾城城陷寶峻等率左右突圍出越江死者六千人寶亦溺死初寶在武昌軍人有於市買得一白龜長四五寸養之漸大放諸江中邾城之敗養龜人被鎧持刀自投於水中如覺墮一石上視之乃先所養白龜長五六尺送至東岸遂得免焉

楊寶救雀

楊寶弘農人也性慈愛年九歲至華陰山北見一黃  
雀爲鷗梟所搏墮地下爲螻蟻所困卽懷之安置  
梁上又被蛇蟲所齧乃移巾箱中采黃花飼之毛  
羽旣成朝去暮來積年之後忽與羣雀俱來哀鳴  
繞寶數日乃去是夕忽見有一童子向寶再拜曰  
我是西王母使者住蓬萊過此爲鷗梟所搏君仁  
愛拯拯數承恩養今當受使南海不得朝夕奉侍  
流涕辭別以白環四枚與寶曰令君子孫潔白位  
登三公後當如此環矣寶生子震震生秉秉生賜



賜生彪四世三公果應白環之數天下無比及楊  
震葬有大鳥隨之陳留蔡伯喈論云是黃雀感恩  
而致也

王忱敦義

王忱字少林嘗請京師於空舍中見一書生謂我當  
到洛陽而病命在須臾腰下有金十斤願以相贈  
乞藏骸骨未及問姓名而命絕忱鬻金一斤營殯  
餘金悉置棺下人無知者後歸數年縣署忱亭長  
初到日有馬馳入庭中而止大風飄一繡被墮地

前卽言於縣縣以歸恠後乘馬到洛陽馬奔走突  
入他舍主人見之喜曰今擒盜矣恠具說其狀主  
人曰卿何陰德致此恠因說葬書生事主人驚號  
曰是吾子也姓金名彥大恩久不報天以此彰卿  
德耳厚遺恠恠辭讓而去由是顯名舉茂才除眉  
令子孫皆顯于時

### 韋丹活龜

韋丹字文明京兆萬年人年近四十舉五經末第嘗  
乘蹇驢至洛陽中橋見漁者得一龜長數尺置橋

上呼呶餘喘須臾將死羣萃觀者皆欲買而烹之  
丹獨憫然問其值幾何漁曰得二千則鬻之是時  
天正寒丹衫襖袴無可當者乃以所乘驢易之既  
獲遂放於水中徒行而去時有胡蘆先生不知何  
所從來行止迂怪占事如神後數日丹因問命胡  
蘆先生倒屣迎門忻然謂丹曰翹望數日何來晚  
也丹曰比來求謁先生曰我友人元長史談君美  
不容口誠托求識君子便可偕行丹良久思量知  
聞間無此官族因曰先生誤但爲決窮途胡蘆曰

我焉知君之福壽非我所知元公卽吾師也往嘗  
自詳之遂相與策杖至通利坊靜曲幽巷見一小  
門胡蘆先生卽叩之食頃有應門者開門延入行  
數十步復入一板門又十餘步乃見大門制度宏  
麗擬於公侯之家復有丫鬟數人皆極姝美先出  
迎客陳設鮮華異香滿室俄然有一老人鬚眉皓  
然身長七尺褐裘韋帶從二青衣而出自稱曰元  
濬之向丹盡禮先拜丹驚卽急趨進拜曰某貧賤  
小生不意丈人過垂採錄實所未諭老人曰老夫

將死之命爲君所生恩德如天豈容醺報仁者固  
不以爲心然受恩者思欲殺身報效耳丹乃矍  
然知其竈也然終不顯言之遂具珍饈留連竟日  
旣暮丹將辭歸老人卽於懷中出一通文字授與  
丹曰知君要問命故輒於天曹錄得一生官祿行  
止所在聊以爲報凡有無皆君之命也所貴先知  
耳又謂胡蘆先生曰幸借吾五十千文以充韋絰  
改一乘早決斷行是所願也丹再拜而去明日胡  
蘆先生載五十緡至逆旅中賴以捄濟其文書具

云明年五月及第又某年平判入登科受咸陽尉  
又某年登朝作某官如是歷官一十七政皆有年  
月日最後年遷江西觀察使至御史大夫到後三  
年廳前皂莢樹花開當有遷改北歸矣其後遂無  
所言丹嘗寶持之自五經及第後至江西觀察使  
每授一官日月無所差異焉洪州使廳前有皂莢  
樹一株歲月頗久一旦樹忽生花丹遽去官歸至  
中路而卒子宙加簡校尚書左僕射同中書門下  
平章事岫擢福建觀察使

元之不貪

范元之衢州人素貧篤志讀書盛暑浴于水邊拾得金銀一袋於岸歸謂其子曰世人以財爲命萬一彼失此者自經於溝壑枉喪性命將如之何翌日父子携金于岸待之果有一婦悲號而至元之詰其故曰夫坐獄當死易田得金至此失之元之卽以還之婦分與亦不受旣而鄉里年少無知者反謂其不能取金經營生理空自守貧元之笑而不答因自歎曰吾平生安分不貪豈可圖他人之財

以厚於已而汙吾之名哉識者賢之是年其室產  
靈芝數莖光彩燁燁人知其爲祥瑞也明年父子  
果登第歷十二世皆爲郡守

### 劉軻改葬

劉軻韶石人也幼之羅浮九疑讀黃老之書究輕舉  
之道嘗獨處一室數夢一人衣短褐曰我書生也  
頃因遊學逝於此室以主寺僧衣聞郡邑而瘞於  
北牖下而屍骸踣促死者從直何以安也君能遷  
葬必有禱謝乃詢于緇屬果然軻卽解所著之衣



覆其骸骼具柏棺改定於虎溪之上是夜夢書生  
來謝持三雞子勸軻立食之軻嚼其一吞其二焉  
後乃精於儒學肆力文章因策名科第歷任史館  
蘭期精修孝行遇仙授道

蘭公名期居兗州曲阜縣九原里其家百餘口精修  
孝行致斗中真人下降其家自稱孝弟王姓衛名  
弘康語蘭公曰始炁爲大道於日中爲孝仙王元  
炁爲至道於月中爲孝道明王玄氣爲孝道於斗  
中爲孝弟王夫孝至於天而日月爲之明孝至於

地萬物爲之生孝至於民王道爲之成吾居上清  
以托化人間示陳孝弟之教後晉代當有真仙許  
遜傳吾孝弟之宗是爲衆仙之長因付蘭公秘言  
及金丹寶經令傳女真誡姆以授許遜於是孝弟  
王遂將蘭公遊於郊野道傍見三古塚指示蘭公  
此是汝三生解化之迹其第一塚乃昔日解所遺  
仙衣而已第二塚乃太陰鍊形形體已就今當起  
矣第三塚藏蛻骨耳宜移塚傍路勿令人物踐履  
孝弟王言訖昇天蘭公乃榜示行人斷其舊路人

謂妖妄逕執詣官官令拘公至地對開其塚一如  
公言衆咸驚歎吏持仙衣獻府君府君著衣不能  
勝還與蘭公公服之卽同塚中仙人合爲一體竦  
身輕舉官吏悔謝拜懇何時再降蘭公俯語之曰  
我自此或十日或百日一降施行孝道以濟迷途  
其後吳都有十五歲童子又有三歲靈童皆其化  
身也

唐婁恩德誤罪二人折其壽

婁恩德充軍使破吐蕃於白羊澗八戰八克優

美高宗謂曰卿有文武才授左驍騎累遷納言弟復爲顯官師德送之問何以處人弟曰人唾面拭之而已師德曰此吾所以憂也人唾面怒汝也拭之則益其怒不拭自乾其厚如此及臨終數日寢興不安無故驚曰撫我背者誰侍者曰無所見乃獨言似有所爭者曰我當壽八十今追我何也後自言爲官誤殺二人減十年詞氣如有所屈俄而氣絕以婁公之明怒尚不免濫爲政得不慎之歟

裴度忘危討賊紹德汾陽

唐憲宗時度爲御史中丞與相武元衡共主討蔡州  
元衡昧旦入朝有賊自暗中殺之取其顱骨而去  
又擊裴度傷其首賴墮厚得不死京城大駭於是  
詔宰相出入加金吾騎士或請罷度官以安藩鎮  
心上不從遂相度度益言淮西腹心之疾不得不  
除且朝廷業已討之跋扈者將視此爲高下於是  
討賊愈急至四年不克諸臣競請罷兵上亦病之  
以問度度曰臣請自往督戰誓不與此賊俱生上  
悅命度爲淮西招討使將行辭於上曰臣若滅

則朝天有期賊在歸闕無日上爲之流涕旣往  
用李愬入蔡封晉國公復入相以身繫天下輕重  
如子儀者二十餘年威望遠達四夷歷四朝爲元  
老諡文忠

狄仁傑杜景儉李日知俱於危邦救世並登台  
輔

仁傑爲豫州刺史時越王貞起兵誅武氏不克坐貞  
黨當死者六七百人籍沒者五千口仁傑密奏彼  
皆誑誤太后特原之皆流豐州道過寧州父老迎

勞之曰我狄使君活汝耶相攜吳于德政碑下三日而後行張光輔釋士恃功多所求取仁傑不之應光輔怒曰州將輕元帥耶仁傑曰明公縱將士暴掠殺已降爲功恨不得尚方劍加公之頸雖死如歸耳光輔歸奏之左遷仁傑復州刺史僅二年爲相卒與唐祚亦嘗爲家後臣誣告謀反竟得辯明而俊臣未幾伏誅仁傑固竊傾一時勲高千古也非仁心致然哉李固知鄭南平恕少卿胡元禮欲殺一囚日知強于數國元禮怒曰元禮不離刑

曹此囚終無生理日知日日知不離刑曹此囚終  
無死法兩以狀上日知果直又一令吏有罪欲捶  
之已而曰我捶汝天下人必謂汝能擿日知嗔受  
日知杖人必共棄汝矣竟釋不杖吏感悅無犯者  
時法吏爭嚴酷而日知獨寬恕然卒用全睿宗時  
拜侍中杜景儉亦寬恕爲宰相已見上

劉蕭捨命辯冤身陟相位子孫繼貴

蕭爲尚書令史時有訐內藏官珠者不獲乃繫  
牙僧及藏吏誣服日十一人下獄論死肅宗



無賊殺之甚屈上不許抗論益力金王怒將  
有近侍見蕭道意曰辯折冤獄吾分內事  
已而戕十一命可乎明日詣省再辯郎中張大  
爲之辯奏金王悟因得不死中統間遷三部尚書  
兼中書省卒贈邢公子憲爲侍郎實爲總管孫慶  
翰林承旨

李冰堰水

李冰爲蜀守行部至湔山乃曰岷山導江爲四瀆之  
首而水或有患以害于人作石人止江水作

五石犀以壓水精鑿離堆山分三十六江以灌溉  
於是蜀郡號爲陸海人無水旱之憂家有粒食之  
安其後入廣漢後城山中遇一羽人謂冰曰公德  
及民物已注名天府矣帝遣吾來迎公也遂白日  
升天蜀人世祠之

熊慎放魚

熊慎豫章人其父以販魚爲業嘗載魚宿江潯慎聞  
船內千百念經佛聲驚而察之乃船中諸魚也遂  
歎異而悉取放之不復以魚爲業後鬻薪於石頭

窮苦至甚嘗暮宿江上忽見沙中有光皎高尺餘就之得金數斤明日賁詣都市貨之市人云此所謂紫磨金也鑄鏹數十萬由此殖產鉅富子孫數世不乏

郭子儀忠貞無我勲滿天地

子儀既忘怨薦李光弼與同恢復又以其部曲僕固懷恩功高讓以副元帥之職於是懷恩爵太寧郡王而光弼已代子儀有其軍加太尉兼中書令矣子儀獨爲朝恩所譏罷職留京師然處散地不怨

也會党項羌叛乃以子儀遙領兩道節度使假威名以鎮之實無兵已而絳州兵亂殺主帥諸將不能制乃命子儀往始封汾陽王至鎮亂魁王元振自以爲功子儀曰汝臨賊境輒害王將若賊乘之無絳州矣吾豈受一卒之私耶斬之於是諸鎮始皆奉法秋入朝宦程元振忌其功數譖之復罷留京師明年吐蕃入寇僕固懷恩已擁兵不朝而李光弼及他名將皆忌元振在中無至者邊將告急元振皆不以聞及至奉天武功京師震駭乃起子

儀爲元帥禦之時閑廢日久部曲離散召募得二十騎而行至咸陽吐蕃二十餘萬衆瀰漫數十里子儀奏請益兵元振逼之竟不召見吐蕃渡便橋上倉卒走陝中長安委賊焚劫一空子儀行收兵四千人泣諭將士共雪國恥諸將感激受約束度兵微不可戰乃使長孫全緒出藍田晝擊鼓張幟夜多燃火以疑虜百姓又給之曰郭令公自商州將大兵至矣虜驚悉衆遁子儀入城京師遂安帝泣曰子儀真社稷臣也削程元振官爵流之未幾

懷恩反李抱真自汾陽脫身歸帝問之對曰懷恩  
反然不足憂也朔方將士思郭子儀如父兄陛下  
以子儀鎮朔方定矣上從之朔方將士愧從懷恩  
不義無面目見汾陽王悉涕泣受約束明年懷恩  
以回紇吐蕃衆十萬寇奉天見子儀大軍驚愕不  
戰而退又明年數十萬分道寇邊時懷恩暴死而  
二虜爭長不相能子儀覘知之使人說回紇與俱  
擊吐蕃其帥藥葛羅不信曰汝給我耳今公在此  
可得見乎反報子儀曰今衆寡不敵難以力勝也

吾昔從回紇結約厚甚若挺身前說之可不戰而  
下也賓佐交諫不聽請以五百騎從亦不聽子晞  
叩馬力爭子儀曰今戰則父子俱死而國危往以  
至誠與之言其聽社稷之衛也不然亦身沒而家  
全以鞭擊其手曰去遂從數騎開壁出令人前傳  
呼曰令公來回紇大驚藥葛羅執弓注矢立陳前  
子儀免胄釋甲投槍進前酋長相顧曰果我父也  
皆下馬羅拜子儀亦下馬前執藥葛羅手讓之曰  
汝回紇有大功於唐唐之報汝亦不薄奈何負約

深入吾境棄恩德而助叛臣乎今吾挺身而來聽  
汝所爲我死將士必致死與汝戰矣藥葛羅曰懷  
恩欺我言天可汗晏駕令公亦捐館是以敢來今  
旣在此我曹忍與令公戰乎旣爲懷恩所誤負公  
良深當爲公力擊吐蕃以謝過回紇觀者爲兩翼  
稍前子儀麾下亦漸進子儀麾却之因呼酒與酋  
常共飲酌酒酹地誓吐蕃聞之夜遁藥葛羅與我  
兵追之殺獲萬計是時虜再入寇賴子儀盛德鎮  
之而社稷再安始光弼與子儀齊勲治軍嚴諸將



莫敢仰視及帝入陝光弼畏讒遷延不入衛諸將  
田神功等不復稟畏愧恨疾薨而子儀精忠獨著  
矣嘗爲盜發其父塚人疑魚朝恩所使上憂子儀  
爲變及入朝語及之子儀流涕曰臣久將兵不能  
禁暴軍士多發人塚此天譴非人事也朝廷大安  
又魚朝恩嘗邀子儀遊章敬寺元載密告曰朝恩  
將不利於公將士請束甲從子儀曰彼無天子之  
命必不敢害大臣若受命而來汝曹欲何爲乃從  
家僮數人而往朝恩驚問其故以所聞告且曰恐

煩公經營耳朝恩撫膺流涕曰非公長者能無疑乎蓋自上將擁兵至於功成榮滿疑謫百端詔書一紙徵之無不卽日就道竟以見信嘗遣使至田承嗣所承嗣西望拜曰此膝不屈若干年矣李靈曜作亂公私物過汴州皆留之惟子饑物不敢近衛送出境子曖尚公主夫婦有隙曖曰汝倚乃父爲天子耶吾父薄天子不足爲公主奏之帝曰彼誠如是若欲爲之天下豈汝家有耶蓋忠信格于上下如此任中書令二十四考家人三千人懷恩

懷光渾瑊等皆出麾下雖貴爲王公常願指奔走  
於前家人亦僕吏視之八子七婿皆顯官諸孫數  
十人每問安不能辨領之而已功蓋天下而主不  
疑位極人臣而衆不疾窮奢極欲而人不知非年  
八十五天下以其身爲安危者殆三十年號尚父  
爵太尉謚忠武子孫多以功名顯云

宋郊渡蟻

宋郊後改名庠字公序安州安陸人卅角時與弟祁  
同肄業于太學有胡僧相之曰小宋他日當魁天

下大宋亦不失甲科後十餘年春試罷復遇僧於  
鄮邸僧執大宋手驚曰公風神頓異似曾活數百  
萬命者郊笑曰貧儒何力及是僧曰不然肖翹之  
物皆命也公試思之郊俛思良久曰旬日前所居  
堂下有蟻穴爲暴雨所侵羣蟻繚繞穴傍吾乃戲  
編竹橋以渡之由是獲全得非此乎僧曰是也小  
宋今歲固當首捷然公終不出其下二宋私相語  
曰一歲豈有兩魁其言妄也及唱第小宋果中首  
選時張獻太后當朝謂不可以弟先兄乃以郊爲

第一祁爲第十始信僧言之不妄後官至檢校太尉同平章事充樞密使封荊國公英宗朝改封鄭國公以司空致仕卒贈太尉兼侍中諡元獻

蔡襄放鵝

蔡襄字君謨興化仙遊人未仕時每喜食鵝一夕夢褐衣老人曰來日當被害願公貸命襄問汝何人乃誦詩云食君數粒粟充君羹中肉一羹斷數命下飭猶未足口腹須臾間禍福相倚伏願君戒勿殺死生如轉轂覺而異之詢於廚中有黃鵝數十

放之經夕復夢褐衣老人云感公從禱已獲復生  
今上帝已命注公高爵其後舉進士擢知諫院歷  
官翰林學士三司使端明殿學士卒贈吏部侍郎  
乾道中賜諡曰忠惠孫佃廷試唱名舉首

### 曾參療鶴

曾參養母至孝曾有鶴爲七人所射窮而歸參乃收  
養療治瘡愈放之後鶴夜到參門秉燭視之鶴雌  
雄雙至各銜明珠來謝醫數萬緡參家遂殷富  
宋曹彬注意全活世代隆盛無比

彬忠誠事君謙恭自處不以富貴驕人雖陳師征討  
未嘗妄殺初破涿州諸將皆欲屠城公獨執爲不  
可有獲婦女者彬悉閉之一第令密衛之泊事罷  
咸訪其親還之無親者備禮嫁之及伐金陵先焚  
香誓衆城下之日母得妄殺一人舉此二端餘悉  
可見前後全活者不可勝言又嘗欲新一舊居以  
冬月蟲方蟄壁懼戕其命而止用心慈仁如此求  
之文人亦不多得是故彬子瑋琮璨繼領旌節少  
子玘追封王爵實生光獻太后以至濟陰生寧王

爵子孫昌盛近世無比彬有族弟曹翰亦爲將克  
江州忿其城不下盡屠之翰死未三十年而子孫  
有乞丐海上者

廉希憲設法活人一弟六子皆顯貴

時江寧初下希憲行省荆南下令凡俘獲敢殺者以  
故殺平民論爲軍士所虜病而棄之許人收養病  
愈故主不得復有質妻賣子者重其罪仍沒其直  
關吏得江陵人私書上之世祖折其書有曰歸附  
之初人不聊生自京相出鎮荆南豈惟人漸德化



昆蟲草木咸被澤矣世祖以爲希憲不嗜殺人所  
能爾也卒諡文正六子三相兩總管一御史中丞  
弟希賢爲尚書

赤瞻思丁以好生爲軍律五子殊貴

赤瞻回回人仕元平章政事行省雲南時蘿槃甸叛  
往征之有憂色從者問故瞻曰吾非憂出征憂汝  
曹冒鋒刃又憂劫虜平民不聊生耳次蘿槃城三  
日不降諸將請攻之瞻不可使以理諭又不降諸  
將奮勇請進兵瞻不可俄而有乘城攻者瞻大怒

遽鳴金止之召萬戶叱責曰天子命我安撫未命殺戮無主將命而擅攻者法當誅命縛之諸將叩首請俟城下之日從事蘿槃主聞之曰平章寬仁如此吾拒命不祥乃舉國出降將卒亦釋不誅繇是西南諸夷翕然款附卒年六十九雲南百姓巷哭交趾高麗遣使致祭哭聲震野贈王諡忠惠王子長平章封王次都元帥三及五俱平章四總管其貴顯殆人世所未有云

徐達以不殺爲元勲兩公世襲

達鳳陽人爲將戰無不克令出不二與士卒同甘苦  
傷殘疾病者親問給藥財帛無所取婦女無所幸  
時陳友諒寇池州擒其衆三千人副將常遇春謂  
曰此皆勦敵聞上必赦將爲後患當誅之達不聽  
與張士誠戰皂林獲衆六萬不戮一人悉歸京師  
下姑蘇與遇春約破城之日中分撫定徐左常右  
部伍肅然居民安堵暨入元都籍府庫金帛收版  
圖重器封宮殿門俾宦官護其嬪御妃主遠近悅  
服人謂曹彬平江南伯顏入臨安不是過也百姓

聞其至者妻孥相慶壺漿迎師封魏國公卒贈中山王子輝祖襲公爵增壽以迎駕功封公餘功臣鐵券皆中替獨魏國後兩公與皇祚俱永云漢鄧禹宋曹彬我朝徐達皆以不殺得元功則世之冒殺以邀功者於軍武何若乎開平之勲不後中山而被華奪爵至嘉靖乃復封侯豈非天哉故用兵之道仁爲先勇次之伏讀聖祖御製自述起兵略云元壬辰二日盜陷濠城胡帥徹里不花率騎三千聲攻城而邊巡不進惟

是肆掠良民以絳係首獻俘請功於是良民受害呼親喚舊相繼入城合勢共守胡帥攻之如蚍蜉之撼石柱胡亡自此始也吁可畏哉

聖祖知此故遺將戒以勿殺當時諸帥盡能安輯士卒不獨徐中山也卒平天下與國同祚然則後之爲將救民者若冒殺計功不惟犯天條之誅且亦犯祖宗之譴矣

建德孝農遇虎虎馴去

萬曆十七年建德山中多虎自晝搜人有農夫負穀

回卒與虎遇告虎曰其固知命不可逃但年荒母  
老需此度命容送穀到家供母晨餐來此就死靡  
敢失信虎遂曳足去農至家舂米達旦以遇虎事  
告母欲往踐約母止之曰幸脫虎口又何自送死  
農夫曰凡人落虎口必其命然今縱不往終不免  
況昨已許矣彼雖異類亦有仁心可失信乎母泣  
送之農至其地虎已先銜一人而不食見農至惟  
以爪爪死人農悟曰虎欲我葬此人乎虎遂去農  
爲瘞其屍因解視衣包中有白金數十兩出帖召

王認父無至者稍取以度荒遂得終身孝養焉  
本心翁齋居宴坐玩先天易對薄山爐紙帳梅花石  
鼎茶葉自奉泊如也客從方外來竟日清言各有  
饑色呼山童供蔬饌客嘗之謂無人間煙火氣問  
食譜予口授二十品每品贊十六字與味道腴者  
共之

啜菽

菽豆也今豆腐條謂淡煮熟以五味

禮不云乎啜菽飲水素以絢兮澹兮清也

羹菜

凡畦蔬根葉花實皆可羹也

先聖齊如葵羹瓜祭發也賓乃敬之至

粉養

粉米蒸成加糖曰怡

天官邁人親餌粉養未見君子怒如調饑

薦藟

春薦藟一名鍾乳草

四之日蚤幽風祭韭我思古人如蘭其臭

貽來

來小麥也今水引蝴蝶麵

貽我來思玉屑塵細六出飛花天一塵水

玉延

山藥也炊熟片切漬以生蜜

山有靈藥錄于仙方削數片玉漬百花香



環珠

圓眼乾荔以掌開取實煮以清泉

汲金井水煮環珠藥胎的藥龍目晶焚

玉磚

炊餅方切細鹽煨之

截彼圓壁琢成方磚煮藥地椒蕪瀝以鹽

銀壺

黃壺白水其根和之

冷冷水白前銀黃煮鹽其味芳齒宮商

水團

煮水包糯米湯煮之

團團林粉餅時應藥茶以沉水清甘且香

玉版

也可藥行並

春風抽籜冬雪挑鞭淇澳公族孤竹君孫

雪藕

蓮根也生熟皆可薦蓮

中虛七竅不染一塵豈但爽口自可觀心

土酥

蘆蕨也作玉糝羹

雪浮玉糝月浸瑤池咬得菜根百事可爲

炊栗

蒸開蜜漬

周人以栗亦可以贊紫殼吹開黃中通理

煨芋

煨香片切

朝三暮四狙公何爲卻彼羊羔啗吾蹲鴟

采杞 枸杞也 可餌可羹

丹實纍纍綠苗菁菁餌之羹之心開目明

甘薺

薺菜也 東坡有食薺法 且曰天生此物爲  
山人山居之福

誰謂茶苦其甘如薺天生此物爲山居賜

菜粉

菜豆粉也 鋪薑爲羹

碾破綠珠撒成銀縷熱燭金石清徹肺腑

紫芝

藟也 木藟爲良

漆園之菌商山之芝涇生者腴卉生者奇

白粲

炊玉粒沃以香湯

釋之叟叟烝之浮浮有一簞食吾復何求

已上二十品不必求備得四之一斯足矣前五品  
出經典列之前筵尊經也後十五品有則具無則  
止或樽酒醕醑酢暢敘幽情但勿醺酣恐俗此會詩  
詠采蘋禮嚴祭菜澗溪沼沚之毛可羞王公可薦  
鬼神以之待賓誰曰不宜第未免貽笑於公膳侯  
鯖之家然不笑不足爲道彼笑吾吾笑彼客辭出  
門大笑吾歸隱几亦一笑手錄畢又自笑目閱過  
輒一笑萬一此譜散在人間世其傳笑將無窮也

納甲納音

陶九成曰見日家一書專解海中爐中之類其辭雖鑿而亦通因併錄之

甲子乙丑海中金者子屬水爲海爲水旺之地金死於子墓於丑水旺而金死墓故曰海中金也丙寅丁卯爐中火者寅爲三陽卯爲四陽火旣得地又得寅卯之木以生之此時天地開爐萬物始生故曰爐中火也戊辰巳巳大林木者辰爲原野巳爲六陽則木枝榮茂以茂盛之木在原野之間故曰

大林木也庚午辛未路旁土者未中之木而生午  
位之旺火火旺則於斯而受刑土之始生未能育  
物故曰路旁土也壬申癸酉劍鋒金者申酉金之  
正位金於申臨官於酉帝旺金既生旺則成剛無  
如劍鋒也故曰劍鋒金甲戌乙亥山頭火者戌亥  
爲天門火炤天門其光至高故曰山頭火也丙子  
丁丑澗下水者水旺於子衰於丑旺而反衰則不  
能爲江河故曰澗下水也戊寅己卯城頭土者天  
干戊己屬土寅艮爲山土積而爲山故曰城頭土

也庚辰辛巳白鑑金者金養於辰生於巳形質初成未能堅利故曰白鑑金也也壬午癸未楊柳木者木死於午墓於未木既死墓雖得天干壬癸水生之終是柔弱故曰楊柳木也甲申乙酉井泉水者金臨官于申帝旺于酉金既生旺則水猶以生然方生而未洪故曰井泉水也丙戌丁亥屋上土者丙丁屬火戌亥爲天門火既炎上則土非在下而生故曰屋上土戊子巳丑霹靂火者丑屬土子屬水水居正位而納音乃火水中之火無神龍則

不烈故曰霹靂火也庚寅辛卯松柏木者木臨官于寅帝旺於卯木既生旺則堅木也故曰松柏木壬辰癸巳長流水者辰爲水庫巳爲金長生之地金生則水性已存以庫水而逢生金則泉源不竭故曰長流水也甲午乙未沙中金者午爲火旺之地火旺則金敗未爲火傷之地火衰則金冠帶敗而方冠帶未能斫伐故曰沙中金也丙申丁酉山下火者申爲地戶酉爲日入之門至此藏光故曰山下火也戊戌己亥平地木者戊爲原野戌爲木



生之地木生原野則非一株一根故曰平地木庚子辛丑壁上土者丑雖土家正位而子則水旺之地土見水多則爲泥故曰壁上土也壬寅癸卯金箔金者寅卯爲木旺之地木旺則金羸金絕於寅胎於卯金無力故曰金箔金也甲辰乙巳覆燈火者辰爲食時巳爲禺中日之將中豔陽之勢光於天下故曰覆燈火也丙午丁未天河水者丙丁屬火午爲火旺之地而納音乃水水自火出非銀漢不能有也故曰天河水也戊申己酉大驛土者申

爲埤埤爲地酉爲兌兌爲澤戊巳之土加于地澤  
之上非其他浮薄之土也故曰大驛土庚戌辛亥  
釵釵金者金至戌而衰至亥而病金旣衰病則誠  
柔矣故曰釵釵金壬子癸丑桑柘木者子屬水丑  
屬金水方可生木金則伐之猶桑柘方生便以餒  
蠶故曰桑柘木也甲寅乙卯大溪水者寅爲東北  
維邪爲正東水流正東則其性順而川澗池沼俱  
合而歸故曰大溪水丙辰丁巳沙中水者土庫辰  
絕巳而天干丙丁之火至辰冠帶巳臨官土旣庫

絕旺火復生之故曰沙中土也戊午巳未天上火者午爲火旺之地未中之木又復生之火性炎上及逢生地故曰天上火也庚申辛酉石榴木者申爲七月酉爲八月此時木則絕矣惟石榴之木反結實故曰石榴木壬戌癸亥大海水者水冠帶于戌臨官于亥則力厚矣亥爲江非他水之比故曰大海水也

神漢香水

列子曰壺頂有口名曰滋穴其水湧出名曰神漢臭

過椒蘭味過醪醴湘中別記云香水在縣郭內其  
水甚香合餘水卽變昔珍此水民多困弊因以板  
覆之上起塔猶存湘鄉本謂之湘香繇此而名

### 長城非自始皇

漢書秦昭王時義渠戎王與宣太后亂有二子

師古曰卽

昭王母也

宣太后詐而殺義渠戎王于甘泉遂起兵滅

義渠於是秦盡有隴西北地之上郡築長城以距  
胡而趙武靈王亦變俗胡服習騎射自代並陰山  
下至高關爲塞其後燕有賢將秦開襲破東胡卻

千餘里燕亦築長城自造陽至襄平置上谷漁陽  
右北平遼西遼東郡以距胡當是時冠帶戰國七  
而三國邊於匈奴按漢書之文三國皆築長城備  
胡幾遍西北一隅矣何云始自始皇也

朱書禹字

禹功記云渡江河者以朱書禹字佩之免風濤保安  
吉

苞桑

易曰其亡其亡繫於苞桑文公解以爲苞桑固結之

喻此非也夫以葛藟繫結尚不稱固豈苞桑爲固  
結乎又曾考苞桑爲何物乎以余意之苞或桑葉  
之初出成苞者乃柔桑也繫物柔桑其絕立見危  
亦甚矣亡而又亡也楊用修引陸宣公收河北後  
請罷兵狀云邦之杌隍綿綿聯聯若苞桑綴旒幸  
而不殊絕也者屢矣可見唐人解經得其旨矣杌  
隍出書綿聯出傳以經解經勝于懸斷

### 食不厭精

食不厭精朱子註言其以是爲善非謂必欲如是也

解殊費力蓋以爲可厭之厭矣此章記聖人飲食之節厭當爲厭足之厭食精而甘之至於厭則不節鱠細而甘之至於厭則不節蓋麤糲不厭人之嘗也惟精細不厭見聖人之節孟子曰此之謂厭足之道也不然孔子飯蔬飲水食無求飽豈求精細之食者乎以經解經猶明

不知命

韓詩外傳引詩天生蒸民有物有則民之秉彝好是懿德言民之秉德以則天也不知所以則之又焉

得爲君子乎所謂命者言天之所生皆有仁義禮智順善之心是也其解亦精勝於朱註

論語匏瓜

孔子曰吾豈匏瓜也哉焉能繫而不食朱文公解註曰匏瓜繫于一處而不能飲食此語欠明至于村師學究便謂匏瓜不能飲食此誤也釋匏瓜者曰苦瓜也詩匏有苦葉言不爲人所食易曰井泥不食是此字也孔子言已不爲人用如苦瓜之不爲人食朱文公不能字猶言不堪之謂耳深求之者



史記卷一百一十五  
卷一百一十五  
夾曰匏瓜星也繫而不食如南有箕不簸揚北有斗挹酒漿之類則太支離蔓衍矣

天時地利人和

孟子天時地利人和之說蓋戰國陣法之名唐高宗問員半千曰兵家三陣何謂半千對曰星宿孤虛天陣也山川向背地陣也偏伍彌縫人陣也臣見謂不然師以義出沛若時雨得天之時爲天陣足食約費且耕且戰得地之道爲地陣舉三軍之士如子弟從父兄得人之和爲人陣帝曰善玩半千

之言全重在人事一邊比于孟子之意可謂暗合  
孫吳矣

### 文無害

文無害解註非一蕭何傳以文無害爲沛主吏掾註  
曰持律文無有其比一曰害克也勝也無能勝之  
也張湯傳以湯爲無害趙禹傳極知禹無害居上  
文深居下蓋曰知他人無能勝禹然持文太深耳  
則無能勝之註可從也

### 三瓦

史記策傳天尚不全故世爲屋不成一而陳之  
諫陳猶居也

不貲

前漢書乃謬爲無貲有後漢書陳蕃傳食肉衣綺脂  
油粉黛不可貲計社質也今行文稱不貲云者出於  
此也

重足一跡

漢書稱人畏懾者曰重足一跡又曰重足而立蓋祇  
載見瞽叟夔夔齋慄之意耳夔獸也嘗以一足行

莊立不倚人之畏懼者并足而立如是一足其身  
戰戰慄慄也故曰重足又曰一跡

### 訑謾

俳戲也西京雜記京兆有古生者爲都掾史善從橫  
揣摩弄矢搖丸乃訑謾二千石隨以諧謔皆握其  
權而得其歡趙廣漢下車卽出之京師至今俳戲  
皆曰古掾曹顏師古註急就訑謾言巧黠不實也  
列子狎侮欺語也

### 奇案

周禮禁其奇袤漢曰敢行媚道蓋妖巫之類

終古

考工記終古註猶齊人之言嘗也

訶 護求

訶謂知處密告 護隱語也謂偵伺隱密而有所追求也

耐罪

耐罪出漢書說文曰古者犯罪髡其髡鬚曰耐罪言寸寸削之不傷其支體猶能任事也

媒麩菓

周禮媒氏註媒之爲言謀也謀合二姓使合成者今齊人名麩麩魚列反曰媒漢書註孟康曰媒酒教顏師古曰齊人名麩餅曰媒然俗語曰媒菓人短蓋取麩釀酒浸漬而化其造字亦古矣

執事顏行

嚴助傳如使越人蒙死徼幸以逆執事之顏行註顏行猶鴈行在前也余以爲前導之飾羽旗之屬有顏色者如人書居第之匾額亦曰顏如人之顏

貌可望而辨耳莊子車馬殊無行色顏與色一也  
影娥眺蟾

漢武帝鑿池起臺以眺月宮人乘舟以弄月影名池  
曰影娥名臺曰眺蟾二名固奇漢文雅爾而小奇  
巧者晉人不能語多如此

門子

東晉補亡詩白華篇粲粲門子如磨如錯註曰嫡子  
之將代父當門者蓋公子也唐人文入太學門下  
亦稱門子儲光義貽太學張筠詩璧池忝門子韓

非門子好辯此是門徒也若本朝官衙門子應門  
鄙稱也

墨兵

孫樵謂史書曰墨兵

瓠史

梁有僧南渡齋一葫蘆乃班固漢書真本宣城太守  
蕭環得之謂之瓠史然行文稱班漢爲瓠史其誰  
不疑

負茲



公羊傳成十六年屬負茲

文人異相遷官貴徵

傅咸掌有臥蛇文指甲上隱起花草如雕刻是以文

章過人

逍遙公南康記

郭汾陽每遷官則面長二寸額有

光氣事已乃定

知囊

魏高僧支謙博覽經籍眼目睛黃人謂支郎形眼雖細然是知囊稱僧爲郎本此

禪語

僧洪覺範奇語曰如月炤衆水波波頓見而月不分  
如春行萬國處處同時而春無意

規中

人身心腎相去八寸二分自心以下三寸六分屬陽  
自腎以下三寸六分屬陰中間一寸二分乃水火  
交構之處名曰規中虛空藏玄元之氣乃神所居  
之穴名爲真土外應兩眼所以爲飛土人生則此  
神存故目光明死則此神去故目光滅

評文

看前人文詩不可律以時尚當求之神情色澤雖淡如水頰如石必有神情色澤寓于內非人能道者雖濃如漿艷如錦必有神情色澤不寓于內恒人所不道者非可以時代高下論也今之才人文必欲西京詩必欲漢魏大曆而鄙薄前輩之樸易不知徐而繹之彼之神情色澤自在更有勝于時尚者時之所尚雖粲若珠錦而道不在事不在情不在景不在亦均之無神情色澤之可觀耳何論前後輩又何論夫時代高下哉

衾影之慚

晏子獨行不媿影獨寢不媿魂二句行與寢對影與魂對皆行寢之所自出甚妙自宋人性理誤用獨寢不媿衾乃魂聲訛爲衾也今時文都用衾影之媿然衾是死物何媿之有惟魂是形之所游不媿魂卽夢亦皆天理乃養心之妙耳衾何以對影而言也若寢與衾對則行亦當以衣對若以不媿屋漏則衾庶幾可對耳

樓閣館菴亭園額

來風防露

亭名

貴州零陵記桂竹之野多竹來風防露

上合下疎

○翠蘋

池名

郭璞江賦標以翠蘋水藻之

屬也○倚菱

亭名

郭璞江賦隨風倚菱葑田之禾也

田廬可用○懷香閣唐詩情人一去無窮已欲贈

懷香恨不逢本草懷香杜衡也蘭屬○紺碧紺珠

書館唐張燕公患多讀少記曰若得紺碧大珠一顆

掘以自照則平生所記了了不忘余謂燕公以珠

喻心之靈徹耳珠可照書入心乎○嘔霧亭名東坡

詩香霧霏霏欲喚人柑橘處可用○寒玉亭名唐詩

萬條寒玉一溪烟竹也○草龍珠帳亭葡萄帷蓋

蔭地若草龍珠帳也○丹瓊亭石榴賦若丹瓊之

側碧瑤○玉繩金波樓謝朓詩金波麗鳩鵲月也

玉繩低建章星也○喬雲樓雲三色爲喬○綺雲

蘋霞館江淹曰綺雲之樓蘋霞之館○文露館甘

露降其國布散者人尚武沉重者人尚文○銀灣

樓李賀謂天河曰銀灣○輕瓊冷絮館雪詩之句

用于雪館○三全道亢倉子導筋骨則形全剪情

欲則神全靖言語則福全○流香池西域貢蘭墀

香煮湯餘汁入渠號流香渠漢靈帝故事○九雲

麟篆

樓閣書館

杜甫十歲時天命童子于豆隴上賜甫

文石曰九雲誥已降命汝為唐室文章海文石有

金字曰詩王本自陳芳國九掖門之麟篆孰聲振

扶桑享天福後再佩入蔥市其歸也火起石自飛

去有聲曰子穢文石令汝文而不貴○天尺

樓山元

好問送劉節制時舉曰南山高去天尺

時節制雲南也用入

山閣

○紫露蕭雲

軒宋書符瑞志紫露騰軒蕭雲

淹閣續書曰紫光暮河休氣四塞乃降甘露是

榮露尚書太傅蕭索輪囷是謂卿雲○雯華軒石

文似雲曰雯華三墳書曰雲赤曇月雲素雯○烟

鬟雲塢亭韓昌黎炭谷湫詩濯玉紆烟鬟成澤禪

師偈云一塢白雲○若光東方樓江淹詩屬我嵒景

半賞爾若光初若光日出若木之光嵒景日入也

○貫月挂星樓船及水亭王子年拾遺記堯時巨查浮

西海上十二年一周天名貫月查又名挂星查○

玉醴泉亭稽康琴賦玉醴湧其前註玉醴玉漿味似

酒○漏月來風庭竹王彪之竹賦上承霄而防露下



漏月而來風

雜名

人有飛廉紂臣神亦有飛廉霍太山有鳥亦有飛廉香

子名飛廉 ○馬有鷩鷩唐成裘亦有鷩鷩司馬相如所

君為鳥亦有鷩鷩似鴈 ○蝓有螺贏法言螟蛉之

贏負草亦有果臝一名果臝詩 ○屋名屋蘇

廣雅曰菴酒亦名屠蘇唐蘇思邈有屠蘇酒方蓋

平屋也名屠冠亦名屠蘇禮董子鐘無段凡 ○國有屠蘇

蘇賈誼新書天子駢字虞詩註白虎文選

之固虞司獸者也駢字虞詩註白虎文選

亦有騶虞

文王馬

○屏名累思

漢儒解曰羣臣奏事至屏重復思之是也

遼闕曲閣亦名累思

顏師古曰以覆思刻垣牆之處其形累思然城隅及闕曲

皆有之

○僧名浮屠塔亦名浮屠○玉之未理者為

璞鼠未屠者亦為璞○月旦為朔車之轉亦名朔

二事見西京雜記

○裴名吉光

西域獻漢武帝

馬亦有吉光

馬賦或取

獸之駿猛者

○旗名歲蕤

望見歲蕤舉翠華

鎖亦名歲蕤

春樓不閉

歲蕤鎖

草亦有歲蕤

○山韭名藿

似韭根白葉如燈心苗豆

葉亦名藿野菜葉為菹亦名藿○古名盥曰案

報之青玉案蓋有以手舉棹亦曰案唐詩王案旁

今以文

書留証者亦曰案也○細腰黑蜂曰蒲盧雅細腰

蒲亦曰蒲盧雅○鳥有蚊母口吐蚊木亦有蚊母

實如枇杷熟則蚊出殼空嶺南出○草亦有蚊母塞北○杖名扶老

藤為鳥亦有扶老秃鷲也好啗蛇一名扶老○蟲名

謝豹在深土中似蝦蟇而圓如毬見人則以前兩脚交覆首如羞能穴地數尺若聞謝豹鳥鳴

不及入穴則鳥亦名謝豹或曰即子規唐詩高林腦爛而死

謝豹啼○蟲有蟻蠓出莊子一遊氣亦名蟻蠓賦其泉

蟻蠓而蔽天○草有射干藥草獸亦有射干猿類

註浮氣也○木俱出木亦有射干○鳥有戴勝月令戴勝王

子虛賦

母亦名戴勝

張平子思玄賦戴勝虎齒有尾穴處名西王

母也

○鳥有乘風

爰居海鳥也避樂懸亦名乘風

設而弗懸

蓋刻此馬亦名乘風

賴白馬賦蓋乘風

鳥之形以懸樂器

洪胤狀

○麇臍名麇香小鳥亦名麇香

隴蜀之間

謂之麇

○取水之蚌曰方諸寶劍亦名方諸

梁簡

賜方諸劍

文曰才發彫奇

○蓴絲名錦帶吐綬鳥

亦名錦帶

荊湘間有錦帶其苗嫩脆可食又曰卽蓴絲也杜詩註錦帶吐綬雞也其肉脆

美可

○綬草名鵲吐綬雞亦名鵲

○犬名黃耳

犬馬亦名黃耳

魏文帝馬

○蟲名寄生軍裝亦名寄生

藥亦名寄生

桑寄生無根而長于桑幹冬獨不彫

○人名彭越似蟹

而小者亦名彭越

○鳥有白頭翁

見諸葛恪傳

藥亦名

白頭翁

唐人詩對蒼耳子

○大魚名鯢

莊子北冥有魚

細魚亦名

鯢

禮內則註

○馬通名馬勃藥草亦名馬勃

出園中久腐處○

大火名大辰

春秋有星字于大辰大火也

龍星亦名大辰

龍星明可

以為時候故曰大辰北極亦為大辰

參為白虎下三星曰

罰

○魚名烏賊

吐墨

蟲亦名烏蟹

食禾

○短人侏儒

獸亦名侏儒

○鬼名魍魎

蟲亦名蝸蝓

○歌名繞

梁

列子韓娥歌音繞梁樂器也似笙瑟

琴亦名

繞梁

楚昭王琴

○管名都梁

樂器可吹

香亦名都梁

出交廣形如薜

木鹽

女直國鹽生木枝上乃木鹽也此或海水鹹氣因風

吹結樹枝而成

出鏃

巴豆與蜣螂研塗傷處能出箭鏃

執明

執明甲戌神呼之入火不燒

塗譌字

卷之四

卷之四

三九

以畫家蒸粉研楮汁以塗抹謗字與紙一色若無楮  
汁以膠和麪糊亦可粉研極細

### 砭

劉劭人物志有砭字註不知解音作貶是以其義益  
不可曉不知醫書古人以石爲鍼不用鐵故砭從  
石後無佳石以鐵代之今外科醫以磁器敲作鍼  
尖鍼瘡其砭石之遺乎王僧儒曰古人以石爲鍼  
東山經高氏之山多鍼石郭璞云可以砭鍼春秋  
美鍼不如惡石服子慎注云石砭也

古字俗語

榛

音添去聲挑燈杖也

堯

音莫支物不平者也

余

音囚人在水上也

次

音昧人在水下也

門

音莫隱身于門忽出聲以驚人

于

音善後唐郭崇韜惡宦官言于魏王繼岌曰大王他日得

天下

驟馬亦不可遇況任宦官宜盡

去之

闕人皆恨之松書割曰扇非也

味

瀨音屋貪使其類

使

其類也束物以肩負

相語也

束

物曰作

燕

音唐人

脍

膾

淹匝不淨

鼻

真

音列

怪

師

音伐

春

頃

音確

腦

蓋也

藁砧

古詩藁砧今何在

也夫

山上復有山

出

何時大刀頭

還

破鏡飛上天

時也

人不知

藁砧

何以爲

夫

按字書

破鏡

飛上天

時也

人不知

藁砧

何以爲

夫



藁楚也麥楚子又禾稈也古之搗衣必兩人立椿  
若杵地狀其五色不等必用楚拭淨其砧曰藁砧  
此詩四句皆謎語不必求其定名

學書諱丙曰

論衡曰學書諱丙曰倉頡以丙日死又古五行書倉  
頡丙寅死辛未葬蓋五日始葬或疑其時未有甲  
乙然世皆言大撓作甲子而伏羲已有甲曆出干  
上古

聶兢

聃說文云卽堦字東齊又稱堦爲倩旣兄也

子華子字意

子華子曰古之字者茲心而慈如心而恕非其心而悲又曰軸之軸車由是以運也紬之紬絲由是以系也姓伯之伯人由是以有分也觀此則荆公與蘇文忠公談字義曰波者水之皮也蘇曰不聞滑爲水之骨其論皆有由祖也

女可稱丁

男稱丁女稱口分陰陽字義也而嚴安曰使尉屠睢

將樓船之士攻越使監祿鑿渠運糧丁男被甲丁  
女轉輸晉武帝時司徒石苞奏丁男祿田五十畝  
丁女祿田二十五畝晉蜀李雄賦男丁歲祿三斛  
女丁一斛五斗疾病半之是女亦可稱丁也漢武  
征伐四夷財用不足令民產男三歲以下出口錢  
民苦多不舉男至元帝始令民七歲以下出口錢  
是男子亦可稱口也 本朝文移字凡男必稱丁  
女必稱口

異寶物

趙飛燕有綠熊席長二尺餘臥則毛能匿人坐則沒  
席薰以諸香一坐百日不歇香氣 綠熊皮初卓  
王孫有百雙武帝詔使獻二十枚高帝入秦宮見  
有紹華之琯玉琯也長二尺三寸二十六孔吹之  
則見車馬山林隱鱗相次吹已不復見

### 鵲鵲鑿劍

鵲鵲水鳥也其膏可以塗刀劍令不鏽英華詩云馬  
銜苜蓿葉劍擁鵲鵲膏今方士煉點銅之藥有用  
淘河油爲之者淘河水鳥也或亦取久而不鏽澁

之義乎

金策

金策錫杖也孫綽天台賦被毛褐之森森振金策之銓銓唐劉禹錫詩曰落日獨搖金策去

伊蒲

唐苑咸詩三點成伊猶有想一觀如幻自忘詮西域以六字極尊稱也如中國之稱至尊蜀有蘭花小如金粟經月猶香冠于羣卉西域名之伊蒲高僧花人不管見西域名之伊蒲貴難得也後漢所謂

伊蒲之供又漢明帝賜楚王英贖縑以爲伊蒲塞桑門之盛饌此之謂伊蒲塞卽優婆塞也又非伊蒲供之說

乘風海鳥也一名爰居一名樂懸漢制制形以懸樂器之筍簾植曰簾吳都賦爰居避風以海鳥故先知風而棲之魯門潘岳西征賦洪鐘頓於毀廟乘風廢而不懸鵠風逸周書文翰若翬雉一名鵠風從風鵠也漢茂陵少年李亨之獵鵠

鷹鳴

鷹隼入麝香煎酥酒一盞服之治痔瘻有驗

連日知晴陰諧知雨

鵲之雄曰連日矢無雲連日鳴鵲之雌曰陰諧天將雨陰諧鳴鵲既毒物而有好晴好雨之殊其同居異志如此

狼戾狼籍

狼好集聚而不整故以名之楚語曰令尹問集聚如飢豺狼然是也今人曰賊私狼籍

雪過淡墨卷之四終